

Á FISCALÍA DE ÁREA NA CIDADE DE SANTIAGO DE COMPOSTELA

Rúa Viena nº 1 (Polígono de Fontiñas) C.P. 15771

Roberto Varela Gestal, Secretario Nacional do Sector da Administración Autonómica da Confederación Intersindical Galega (**CIG-Administración Autonómica**), en cuxo nome actúo ante esa Fiscalía a que me dirixo, provisto de NIF nº 32790604X e con domicilio, que sinalo aos efectos das notificacións a que puidese dar lugar o presente expediente, no Soto da Consellería de Educación, ínsito no Edificio Administrativo de San Caetano en Santiago de Compostela, código postal núm. 15771; por si os feitos que a continuación relatarei fosen constitutivos de ilícito/s penal, **DIGO**:

Que a medio do presente escrito e os documentos que se acompañan, con arreglo ao previsto na lei procesual, en nome da Forza Social supra mentada, e, para que a Fiscalía proceda a evaluar, co mellor criterio que lle é consustancial, se puidesen ser constitutivos de ilícito penal, ao socaire do artigo 262 da L. De E. Crim., **DENUNCIO**:

FEITOS

Primeiro.-

Teño coñecemento de que a Xunta de Galicia, no momento actual, ten subscrito contrato de aluguer de vehículos coa empresa ATESA, con domicilio na Avenida del Ensanche de Vallecas, número 37 da cidade de Madrid, código postal 28051. Nos precitados contratos, en todos dos que esta Forza Social ten noticia e dalgúns dos que temos constancia documental, figura como arrendatario –tamén condutor- Don Ricardo Cabeza Rama.

Segundo.-

O Sr. Cabeza Rama, dentro do organigrama da Xunta de Galicia e na correspondente relación de postos de traballo figura como mecánico supervisor, encadrado por tanto no grupo III do persoal laboral, como funcionario de emprego da Xunta de Galicia.

Terceiro.-

Considérase por esta parte denunciante que as relacións de aluguer que se detallan, de facerse, deberían estar a cargo da Xunta de Galicia e non dunha persoa física. En todo caso, de selo, non é un mecánico da Xunta de Galicia a persoa axeitada para firmar e rubricar todos os contratos ao seu nome, menos, cando a súa relación coa

Administración non é a de funcionario de carreira, senón persoal laboral, como se fixo exéxese no expoñendo segundo.

Cuarto.-

O contrato de aluguer que mento, absolutamente fóra dos cánones usuais de implementación da Xunta de Galicia, non debidos e superiores aos debidos, podería constituír, a lo menos, para a Administración Pública, un prexuízo económico grave e unha vantaxe patrimonial para a empresa contratada escondida baixo o velo da aparencia de funcións públicas; e iso con independencia da inadecuación do procedemento e/ou da persoa contratante ou da “autoridade” actuante.

Quinto.-

Así mesmo, entendemos oportuno someter á superior interpretación de esa Fiscalía, se o feito de si a intervención que citamos na exposición primeira, aínda que non sexa merecedor de investigación encamiñada a posible reproche xudicial algún en atención a prexuízo ou vantaxe que neste escrito de denuncia se menta, podería estar subsumido no tipo das negociacións e actividades prohibidas aos funcionarios públicos descritas no Capítulo IX do Título XIX do Libro II do vixente Código Penal.

Por todo iso

Suplico á Fiscalía: que se teña por presentado este escrito cos documentos que se lle unen e as copias de todo iso, que se teña por feita a denuncia que se formula, dignándose acordar as dilixencias de investigación que se solicitan e as que se puideran derivar dos feitos descritos.

OTROSÍ DIGO: Que se practiquen as seguintes dilixencias:

- a) Que se tome declaración ao denunciante, caso de estimarse necesario, e a ratificación da presente denuncia.
- b) Que se reciba declaración sobre os feitos que se relatan a Don Ricardo Cabeza Rama, mecánico supervisor da Xunta de Galicia.
- c) Que se admita a proba documental que unida a este escrito se acompaña, consistente en contratos de aluguer coa empresa ATESA a nome de Don Ricardo Cabeza Rama.
- d) Que se investigue se se produciu recentemente un incremento patrimonial persoal ou no contorno familiar de Don Ricardo Cabeza Rama.
- e) Que por parte de esa Fiscalía se abra o oportuno expediente de investigación, e, de resultar dos feitos descritos, algún tipo de infracción penal, se remita ao xulgado que corresponda para o seu axuizamento.

SUPLICO, que se teñan por feitas e admitidas as anteriores manifestacións, por solicitadas as dilixencias referidas e, na súa virtude, se proceda á práctica das mesmas.

É de xustiza, que pido en Santiago de Compostela a dous de decembro de dous mil catorce,

O secretario nacional da CIG Autonómica

Roberto Varela Gestal